



ZENIČKO - DOBOJSKI KANTON

BUDŽET ZA GRAĐANE

O BUDŽETU ZA GRAĐANE

Pred vama je novi „Budžet za građane” - građanski vodič koji na jednostavan način prikazuje kako se planira prikupljati i trošiti novac iz Budžeta Zeničko-dobojskog kantona tokom 2023. godine. Na ovaj način nastavljamo unapređivanje otvorenog i odgovornog odnosa sa građanima u procesima donošenja važnih odluka na kantonalnom nivou.

„Budžet za građane” ima za cilj da javnosti omogući bolji uvid i razumijevanje načina na koji vlasti vašeg Kantona planiraju, raspodjeljuju i troše sredstva iz budžeta.

S obzirom na to da u Budžet Kantona novac stiže od poreznih obveznika, naša je obaveza da njime raspoložemo u najboljem interesu zajednice i da građanima predstavimo točne i razumljive podatke o izvorima prikupljenih prihoda i njihovom trošenju.

Ovaj sažeti vodič kroz Budžet namijenjen je svim građanima koji žele da budu obaviješteni o planovima Vlade za prikupljanje i trošenje novca i da prate realizaciju postavljenih ciljeva.

Novac kojim raspoložu institucije vlasti na svim nivoima u svojim **budžetima** je novac građana. Prihodi vlasti dolaze od građana kroz poreze (na prodaju roba i usluga, dohodak, plaće, imovinu...) i plaćanje raznih taksi i naknada. Pored ovoga, prihodi dolaze od **koncesija** za iskorištavanje prirodnih resursa koji su dio nacionalne baštine pa pripadaju svim građanima. Također, treba pomenuti da jedan dio prihoda dolazi i od naknada zagađivača za zaštitu okoliša. Čak i kada prihodi dolaze od kredita, građani su ti koji će ih morati otplatiti na kraju. Institucije vlasti su odgovorne za sredstva iz budžeta, te odlučuju u ime građana o raspodjeli prikupljenih sredstava za različite namjene.

Imajući u vidu da je Budžet i odraz lokalnih **javnih politika**, jasno je zbog čega u zemljama sa razvijenom demokratskom kulturom postoji značajan interes javnosti za mnoga pitanja koja se tiču Budžeta. Građani žele da znaju i odlučuju o tome kako će se trošiti njihov novac. Pri tome je osnovni preduslov za učešće građana u procesu odlučivanja o Budžetu njihova informiranost. U skladu s tim, zadatak organa vlasti jeste da obezbijedi javnost rada i pruži informacije o svim bitnim pitanjima u procesu kreiranja, usvajanja i izvršavanja Budžeta.

Budžet za građane je dokument koji sažima i pojašnjava osnovne informacije iz Budžeta. To je izvještaj za građane, predstavljen u pristupačnom formatu, koristi jednostavan i jasan jezik koji oni mogu razumjeti. Ako su u stanju da razumiju, građani onda mogu ostvarivati svoja građanska prava u demokraciji - oni mogu postavljati pitanja koja osiguravaju da vlast objašnjava ono šta radi u njihovo ime.



TKO FINANCIRA POJEDINE NADLEŽNOSTI

Zeničko-dobojski kanton obavlja poslove iz vlastite ustavne nadležnosti, podijeljene nadležnosti između Federacije BiH i kantona i nadležnosti koje su mu prenesene posebnim zakonima Federacije Bosne i Hercegovine. Stoga je veoma bitno razumjeti koje nadležnosti i poslove finansira kanton i u kojoj mjeri to čini.

	Potpuno finansira kanton	U većoj mjeri finansira kanton	U manjoj mjeri finansira kanton
Javna uprava (kantonalna)	X		
Pravosuđe	X		
Policija (kantonalna)	X		
Civilna zaštita (kantonalna)		X	
Predškolsko obrazovanje			X
Osnovno obrazovanje	X		
Srednjoškolsko obrazovanje	X		
Visoko obrazovanje	X		
Obrazovanje odraslih	X		
Socijalna zaštita		X	
Bolnice/domovi zdravlja			X
Specijalni zavodi u zdravstvu		X	
Kultura, fizička kultura i sport		X	
Urbanizam, prostorno uređenje i stambena politika			X
Komunalne i druge javne uslužne djelatnosti			X
Zaštita okoline		X	
Promet i transport			X
Poljoprivreda		X	
Vodoprivreda		X	
Šumarstvo		X	
Privreda		X	
Zapošljavanje			X
Informiranje			X

Tabela 1: Finansiranje nadležnosti (zakonska obaveza i dobrovoljno finansiranje, u skladu sa opredjeljenjem kantonalne politike)

KAKO TEČE BUDŽETSKI PROCES

Budžetski proces se zasniva na analizi ostvarenja prihoda u proteklom periodu, procjenama ekonomskih kretanja, prioritarnim ciljevima i poslovima iz nadležnosti Kantona, planiranim projektima i programima. Donošenje Budžeta kantona propisano je Zakonom o budžetima u FBiH, kojim su utvrđeni postupci/koraci i krajnji rokovi u pripremanju, izradi i usvajanju Budžeta.

Aktivnosti započinju u 6. mjesecu, pripremom i analizom DOB-a za Zeničko-dobojski kanton, te slanjem Uputstva (Instrukcije) za izradu Budžeta budžetskim korisnicima. Na osnovu budžetskih zahtjeva korisnika budžeta Kantona, Ministarstvo finansija vrši usaglašavanja, te pristupa izradi Nacrta Budžeta. Nacrt Budžeta utvrđuje Vlada, a donosi ga Skupština kantona, nakon čega slijede javne rasprave o Nacrtu.

Poslije provedenih javnih rasprava, Skupština razmatra Prijedlog Budžeta i donosi Budžet. Aktivnosti na donošenju Budžeta za narednu godinu uglavnom traju do 31.12. tekuće godine. Doneseni budžetski dokumenti se objavljuju. Ukoliko se do 31.12. tekuće godine ne donese Budžet, donosi se Odluka o privremenom finansiranju za prva 3 mjeseca godine za koju se donosi Budžet.

U tekućoj godini planirani budžetski okvir se realizira, a raspoloživa sredstva se troše prema utvrđenim namjenama i programu, o čemu se Vlada izvještava kvartalno, polugodišnje i godišnje, a Skupština Kantona godišnje. Ostvarenje Budžeta se analizira, nadzire i prati, a u slučaju odstupanja, vrše se izmjene Budžeta po istoj zakonskoj proceduri. Ured za reviziju institucija u FBiH vrši finansijsku reviziju Budžeta.

Ministarstvo finansija Zeničko-dobojskog kantona treba da budžetskim korisnicima kantona proslijedi Uputstvo (Instrukciju) o pripremanju Nacrta budžeta (daje projekcije budžetskih sredstava i ograničenja potrošnje za budžetske korisnike, postupak i dinamiku pripreme Budžeta).

Budžetski korisnici podnose zahtjeve Ministarstvu finansija za sljedeću godinu.

Kroz zahtjeve korisnika budžeta mogu biti ispoljene i potrebe građana koji djeluju putem NVO i udruženja građana.

Početak budžetskog kalendara. Vlada Kantona je obavezna da započne pripremu Dokumenta okvirnog budžeta (DOB).

Ministarstvo finansija sprovodi konzultacije sa budžetskim korisnicima u vezi sa njihovim zahtjevima i prioritetima budžetske potrošnje.

Priprema se Nacrt Budžeta, koji je usklađen sa smjernicama iz Uputstva (Instrukcije).

**BUDŽETSKI
PROCES**

Proces koji obuhvata sve korake pri kreiranju i usvajanju Budžeta

DOB

Dokument Okvirnog Budžeta je akt koji sadrži makroekonomske projekcije i prognoze priliva i odliva budžetskih sredstava za naredne tri godine, a na kom se zasniva priprema i izrada godišnjeg Budžeta.

REVIZIJA

postupak ispitivanja, tačnosti, potpunosti, vjerodostojnosti, zakonitosti i objektivnosti



Ministarstvo finansija upućuje Nacrt budžeta Vladi kantona, Vlada utvrđuje Nacrt budžeta i dostavlja ga Skupštini kantona.

Nakon prihvatanja Nacrta budžeta od strane Skupštine, organizuju se javne rasprave. Primjedbe i sugestije sa javne rasprave se sumiraju i eventualno ugrađuju u tekst Prijedloga budžeta.

Tokom Javnih rasprava, građani i NVO mogu iznijeti određene zahtjeve.

Vlada Kantona utvrđuje Prijedlog budžeta i upućuje ga Skupštini kantona.

Radna tijela Skupštine kantona raspravljaju o predloženom Budžetu, daju mišljenje i prijedloge - amandmansko djelovanje. Interesne grupe, nevladine organizacije i građani mogu dostaviti svoje zahtjeve poslanicima da lično, ili kroz radna tijela djeluju amandmanski. Skupština - zakonodavno tijelo donosi predloženi Budžet sa prihvaćenim amandmanima.

OPĆI (MAKROEKONOMSKI) OKVIR ZA DONOŠENJE BUDŽETA

Centralna banka Bosne i Hercegovine (CBBiH) i Federalno ministarstvo finansija objavljuje drugi krug projekcija ključnih makroekonomskih varijabli za period 2024-2025. godina. U odnosu na proljetni krug, projekcije vrijednosti svih ključnih makroekonomskih varijabli, u ovom krugu, su značajno revidirane. Trenutno projiciramo viši nivo ekonomske aktivnosti, ali i inflacije u 2023. godini.

Prema aktuelnoj projekciji u 2023. godini se očekuje rast realne ekonomske aktivnosti od 2%, Korekcija je, velikim dijelom, bazirana na već realizovanoj ekonomskoj aktivnosti za prvu polovinu godine (rast od 5,9% na godišnjem nivou). Zvanični statistički podaci za prvo polugodište ukazuju na rekordni rast izvoza u prvoj polovini 2023. godine, rast investicija na godišnjem nivou u istom periodu, te rast lične potrošnje, uprkos visokoj inflaciji. Svi ovi faktori su rezultirali revidiranjem prethodne projekcije.

Sličan je trend ekonomske aktivnosti naših glavnih trgovinskih partnera u srednjem roku, što značajno utiče na neke od glavnih komponenti nacionalnih računa u BiH, prvenstveno neto izvoza. U Evropskoj uniji se očekuje značajno usporavanje ekonomske aktivnosti u 2023. godini. Posljedično, projekcija ekonomske aktivnosti u BiH u 2023. godini, zbog očekivanog pada strane potražnje, takođe je revidirana na niže do nivoa

od 1,7%. Pod pretpostavkom slabljenja, ali ne i potpunog iščezavanja inflatornih pritisaka u zemlji, rast realnog BDP-a u 2024. godini projiciramo na 1,0%.

Negativni rizici na povećanje inflacije na koje smo ukazivali u prvom krugu projekcija u 2022. godini su se materijalizovali, o čemu smo izvještavali u svakom krugu brzih procjena inflacije. U srednjem roku očekujemo ustrajnije inflatorne pritiske. Projicirana je inflacija od 14,4% u tekućoj godini, te usporavanje u naredne dvije godine. Međutim, ne očekujemo da će se inflacija vratiti na višegodišnji prosjek, zabilježen prije 2022. godine, u srednjem roku.

Zbog inflatornog pritiska, očekujemo značajno usporavanje rasta lične potrošnje u nadolazećem projekcijskom periodu. Sudeći prema zvaničnim podacima za prvo polugodište, faktori koji potiskuju ličnu potrošnju, poput generalno niske prosječne plate i penzije, te nepovoljne starosne strukture stanovništva i demografskih trendova, još uvijek nisu dominantno uticali na ličnu potrošnju. I u ovom krugu projekcija naglašavamo da se ekonomija ne nalazi u klasičnom poslovnom ciklusu, te da su procijenjene vrijednosti realnog BDP-a, njegovih komponenti, i ostalih makroekonomskih varijabli, izložene izuzetno visokom stepenu neizvjesnosti.

Najznačajniji izvori neizvjesnosti su vezani za eksterne uticaje kao što je rat u Ukrajini, koji i dalje uzrokuje snažne turbulencije na međunarodnim tržištima energenata i hrane. Ukoliko se troškovi energije smanje ili faktori na strani potražnje u srednjoročnom periodu oslabe, to bi moglo smanjiti pritiske na cijene. Objavu rezultata narednog kruga srednjoročnih makroekonomskih projekcija, za period 2023 – 2025. godina, sa eventualnom revizijom godišnjih projekcija ključnih makroekonomskih varijabli za 2023. i 2024. godinu, planiramo za maj 2023. godine. Brze procjene ekonomske aktivnosti i inflacije, koje mogu nagovještavati smjer i intenzitet korekcija srednjoročnih projekcija realnog BDP-a i inflacije, objavljićemo krajem kvartala.

Pored prihoda od indirektnih poreza, u skladu sa Zakonom o pripadnosti javnih prihoda u Federaciji BiH, prikupljaju se i drugi porezi, koji uključuju porez na dobit pravnih lica, porez na dohodak, poreze na imovinu i ostale poreze.

Projekcija prihoda u 2023. godini je zasnovana na projektovanim relevantnim makro ekonomskim pokazateljima za navedeni period.

Na kraju, treba napomenuti da se Budžet Kantona u potpunosti oslanja na ove makroekonomske pokazatelje/projekcije imajući u vidu propise na osnovu kojih se vrši raspodjela određenih poreznih i neporeznih prihoda.

Za skoro većinu poreznih i neporeznih prihoda su definisana pravila njihove raspodjele za određene nivoe vlasti (država-entitet-kanton- grad/općina).

SEZONSKA ŠEMA NAPLATE

Procjena naplate prihoda korigovana za uobičajene promjene pojedinih prihoda tokom određenih perioda u godini.


INDIREKTNI POREZI

Uvozne i izvozne carine, akcize, porez na dodatnu vrijednost i svi drugi porezi obračunati na robu, usluge, uključujući poreze na promet i putarine.



KAKO SE PUNI BUDŽET ZENIČKO-DOBOJSKOG KANTONA

Porezni prihodi	400.143.806
Neporezni prihodi	12.810.918
Namjenska sredstva	63.245.459
Vlastiti prihodi	5.188.670
Tekući transferi i donacije	59.193.727
Kapitalni primici	0
Ukupna sredstva budžeta Kantona	540.582.580




U skladu sa propisanim kriterijumima raspodjele, prihodi po osnovu poreza u 2023. će biti veći u odnosu na 2022.godinu za cca 6%.

Transfer - Doznaka sredstava sa jednog na drugi račun, najčešće sa jednog na drugi nivo vlasti.


Budžet Zeničko-dobojskog kantona se najvećim dijelom puni iz poreznih prihoda, koji se dijele između različitih nivoa vlasti (PDV, porez na dohodak, te određene naknade i transferi), a koji čine skoro 80% budžeta. Na ove prihode Kanton ne može značajno uticati.

Indirektni porezi	261.875.935
Porez na dobit	83.731.768
Porez na dohodak	54.500.650
Ostali porezi	35.453
Ukupna sredstva budžeta Kantona	400.143.806



Kada posmatramo neporezne prihode, vidimo da su najznačajniji sljedeći prihodi:


Novčane kazne	6.503.614
Kantonalne sudske takse	4.117.454
Kantonalne administrativne takse	1.122.650
Ostali neporezni prihodi	1.067.200
Ukupna sredstva budžeta Kantona	12.810.918



GDJE SE RASPOREĐUJE BUDŽETSKI NOVAC

Prioriteti u potrošnji za 2023. godinu su i dalje stabilizacija budžeta i izdvajanje za obrazovanje, policiju i pravosuđe (u najvećoj mjeri na plaće zaposlenih), otplatu po osnovu zaduženja, socijalnu zaštitu, te tekući i kapitalni izdaci za koje su Vladinim dokumentima utvrđeni prioriteti finansiranja.

Bruto plaće i naknade	242.102.892	45,14%
Izdaci za materijal i usluge	62.160.315	11,59%
Tekući transferi	137.469.012	25,63%
Kapitalni trasferi	26.981.700	5,03%
Kapitalni izdaci	23.281.578	4,34%
Otplate kredita	17.500.000	3,26%
Ostali rashodi	26.806.454	5,00%
Ukupna sredstva budžeta Kantona	536.301.950	



**KAPITALNI
TRANSFERI**
Transferi za
nabavku stalne
imovine

KAPITALNI IZDACI

Kapitalni izdaci su projekti od velikog značaja za Kanton kojim se pribavlja stalna imovina.
Na primjer: izgradnja škola, saobraćajnica, mostova, itd.

TEKUĆI IZDACI

Redovni izdaci koje se koriste za vršenje redovnih poslova iz sopstvene nadležnosti: isplata bruto zarada i doprinosa, ličnih primanja zaposlenih, izdaci za materijal i usluge, tekuće održavanje, rente, kamate, subvencije, itd.




Kada posmatramo strukturu budžetske potrošnje, vidljivo je da se u 2023. godini najviše sredstava namjerava izdvojiti za rashode plaća i naknada troškova za zaposlene (uključujući i doprinose), što je 45,14% sredstava planirano budžetom. Ovdje spadaju plaće za zaposlene u Vladi i njenim ministarstvima, upravama i službama, policiji, obrazovanju, pravosuđu, te ostalim institucijama kojima je Kanton osnivač. Treba napomenuti da se za materijal i usluge svih ovih navedenih institucija planira izdvojiti 11,59% od ukupnih rashoda.

U sklopu tekućih transfera, za šta se planira izdvojiti 25,63 % ukupnih rashoda, najvažniji se odnose na:

- Tekuće transfere pojedincima (stipendije, socijalna pomoć, pomoć pri zapošljavanju, pomoć za stanovanje, itd.) – 23.618.000 KM;
- Tekući transferi drugim nivoima vlasti (primarno Gradu Zenici, Gradu Visoko i općinama) – 69.262.660 KM;
- Tekući transferi neprofitnim organizacijama – 4.628.352 KM;
- Subvencije poduzećima – 24.910.000 KM;

Tekući transferi drugim nivoima vlasti	69.262.660
Tekući transferi pojedincima	23.618.000
Tekući transferi neprofitnim organizacijama	4.628.352
Subvencije preduzećima	24.910.000
Ostali tekući rashodi	15.050.000




Tekuća budžetska rezerva iznosi 50.000 KM.

SUBVENCije
Tekući transferi koji predstavljaju bespovratnu pomoć pravnim ili fizičkim licima uslovljenu posebnom vrstom djelatnosti ili statusom primaoca.

Struktura potrošnje se može posmatrati i po oblastima tj. namjeni/funkciji utroška predviđenih sredstava.


Na sljedećem grafikonu se vidi potrošnja po oblastima, sa namjenskim doznakama od ostalih nivoa vlasti.

Socijalna zaštita	81.839.357
Obrazovanje	206.165.079
Rekreacija, kultura i religija	9.301.660
Zdravstvo	10.779.606
Stambeni i zajednički poslovi	2.679.115
Zaštita životne sredine	3.590.000
Ekonomski poslovi	76.822.708
Javni red i sigurnost	91.084.557
Opće javne usluge	53.989.868



U toku 2023. godine, najviše se planira izdvojiti za oblast obrazovanja (osnovno, srednjoškolsko i visoko obrazovanje) 206.165.079 KM i oblast javnog reda i sigurnosti (91.084.557 KM). U okviru ove dvije oblasti zaposleno je preko 7000 osoba koje plaću primaju iz kantonalnog budžeta. Za socijalnu zaštitu se planira izdvajanje od 81.839.357 KM.

IZVRŠENJE BUDŽETA



2013	257.158.982
2014	268.362.294
2015	268.239.031
2016	275.838.340
2017	296.465.578
2018	315.856.043
2019	355.990.000
2020	388.669.000
2021	390.618.932
2022	447.034.181
2023	536.301.950

Vidljivo je da su rashodi u 2023. godini planirani na višem nivou (536.301.950 KM) u odnosu na izvršenje za 2022. godinu. Na grafikonu se vidi da je zabilježen trend rasta rashoda gledajući od 2013. godine.

OBRAZOVANJE


Najveći dio budžeta 38,45% ili 206.165.079 KM, i dalje se planira izdvojiti za funkcioniranje obrazovnog sustava u Zeničko-dobojskom kantonu.

S tim u vezi treba napomenuti da se najviše planira izdvojiti za potrebe funkcionisanja osnovnog obrazovanja (117.857.808 KM) i srednjoškolskog obrazovanja (54.083.427 KM). Za potrebe visokog obrazovanja se planira izdvojiti 23.302.259 KM dok se za ostale troškove obrazovanja (uključujući transfere i pomoći) planira izdvojiti 10.921.585 KM.

Obrazovanje	206.165.079	38,45%
Ostali budžetski rashodi	330.086.871	61,55%



Osnovno obrazovanje	117.857.808
Srednjoškolsko obrazovanje	54.083.427
Visoko obrazovanje	23.302.259
Ostali troškovi obrazovanja	10.921.585
Ukupno	206.165.079



Ostvarivanje ciljeva vezanih za OBRAZOVANJE ODRASLIH moguće je postići osmišljavanjem održivog sistema finansiranja obrazovanja odraslih.

U tom smislu dolje opredijeljene su osnovne škole koje su uključene u navedni proces.


ŠKOLA	OPĆINA/GRAD
OŠ ALEKSA ŠANTIĆ	ZENICA
OŠ ĆAMIL SIJARIĆ	ZENICA
OŠ HASAN KIKIĆ	ZENICA
OŠ SAFVET BEG BASAGIĆ	BREZA
OŠ HAMDİJA KRESEVLJAKOVIĆ	KAKANJ
OŠ HASAN KIKIĆ	OLOVO
OŠ VAREŠ	VAREŠ
PRVA OSNOVNA ŠKOLA	MAGLAJ
OŠ REŠAD KADIĆ	TEŠANJ
OŠ KULIN BAN	VISOKO
PRVA OSNOVNA SKOLA	ZAVIDOVIĆI

PODRŠKA ZAPOŠLJAVANJU I PRIVREDNOM SEKTORU


Vlada Zeničko-dobojskog kantona i dalje namjerava realizovati programe i projekte u cilju pružanja podrške zapošljavanju i razvoju privatnih poduzeća i poduzetnika.

Podrška zapošljavanju i privrednom sektoru je planirana u visini od cca 7% u odnosu na ukupan iznos transfera za 2022. godinu, a što je vidljivo iz grafikona.

Subvencije privatnim preduzećima i podzeticima	4.860.000
Transfer za zapošljavanje	500.000
Poticaj za zapošljavanje mladih	280.000
Transfer za poticaj zapošljavanje branitelja i članova njihovih porodica	1.000.000
Ukupno	6.640.000



Ostali tekući transferi	130.829.012	95,17%
Podrška zapošljavanju i privatnim preduzećima	6.640.000	4,83%
Ukupno	137.469.012	



Treba napomenuti da je Planom Budžeta Zeničko-dobojskog kantona predviđeno izdvajanje 4.860.000 KM za subvencije privatnim poduzećima i poduzeticima.

Istovremeno, za poticaje zapošljavanja planira se izdvojiti 500.000 KM, te poticaj za zapošljavanje mladih 280.000 KM


Imajući u vidu programska opredjeljenja Vlade, takođe treba napomenuti i poticaje za zapošljavanje branitelja i članova njihovih porodica u iznosu od 1.000.000 KM.

POLJOPRIVREDA

Vlada Zeničko-dobojskog kantona nastavlja sa realizacijom programa i projekata u oblasti poljoprivrede. Za te namjene je predviđeno 14,18% od ukupno planiranih tekućih transfera.

Tako se za subvencije za poticaj razvoja u poljoprivrednoj proizvodnji planira izdvojiti iznos od 5.500.000 KM što je 4,00% ukupno planiranih tekućih transfera. Istovremeno, Vlada Kantona će Programom uređenja poljoprivrednog zemljišta za 2023. godinu odrediti potrošnju planiranih 14.000.000 KM za projekte koji se finansiraju iz sredstava za pretvaranje poljoprivrednog zemljišta u nepoljoprivredno zemljište.


Subvencije za poticaj razvoja u poljoprivrednoj proizvodnji	5.500.000	4,00%
Finansiranje projekata iz sredstava za pretvaranje poljoprivrednog zemljišta u nepoljoprivredno zemljište	14.000.000	10,18%
Ostali tekući transferi	117.969.012	85,81%
Ukupno	137.469.012	



IZDVAJANJA ZA SPORT

Postojeći finansijski okvir i zakonom definirane obveze Zeničko-dobojskog kantona ne ostavljaju mnogo prostora za finansiranje oblasti sporta. Međutim, ipak se za ove namjene planira izdvojiti 1,23% ukupnih planiranih tekućih rashoda i to: 1.600.000 KM kao tekući transfer za sport, namijenjen u najvećoj mjeri sportskim organizacijama na području Kantona, te 90.000 KM za sufinansiranje sportskih takmičenja.

Tekući transfer za sport	1.600.000	1,16%
Sufinansiranje učešća u takmičenjima invalidskog sporta	10.000	0,01%
Sufinansiranje organizovanja takmičenja i sportskih manifestacija	80.000	0,06%
Ostali tekući transferi	135.779.012	98,77%
Ukupno	137.469.012	



SOCIJALNA ZAŠTITA I TRANSFERI BORAČKIM KATEGORIJAMA

U cilju zadovoljavanja potreba korisnika usluga socijalne zaštite i održavanja njihovog socijalnog standarda, Vlada Zeničko-dobojskog kantona planira izdvojiti 81.839.357 KM, odnosno 15,26% ukupno planiranih budžetskih rashoda za 2023. godinu.

U sklopu izdvajanja za socijalnu pomoć, najviše se planira izdvojiti za naknade za porodijsko odsustvo, smještaj u ustanove socijalne zaštite, dodatak za djecu, transfer civilnim žrtvama rata, te boračkoj populaciji i njihovim porodicama.

Socijalna zaštita	81.839.357	15,26%
Ostali budžetski rashodi	454.462.593	84,74%
Ukupno	536.301.950	

Naknada za porodijsko odsustvo	24.000.000
Smještaj u ustanove socijalne zaštite	6.850.000
Novčana pomoć za nezaposlene porodilje	21.900.000
Civilne žrtve rata	2.800.000
Stalna novčana pomoć	1.330.000
Stipendiranje studenata-branitelja i članova njihovih porodica	2.260.000
Pomoć u rješavanju stambenog pitanja	1.000.000

MINISTARSTVO ZA BORAČKA PITANJA

Prema Budžetu za 2023. godinu, na Ministarstvo za boračka pitanja Zeničko-dobojskog kantona predviđeno je izdvajanje 18.347.396 KM, odnosno 3,4% od ukupnog budžeta Kantona. Kada promatramo budžet samog Ministarstva, vidljivo je da se najveći dio njegovih rashoda odnosi na transfere pojedincima.

Vrsta transfera iz Budžeta ZDK za 2022. godinu	Iznos (u KM)
Medicinska rehabilitacija	450.000
Stipendiranje studenata-branilaca i članova njihovih porodica	2.260.000
Podizanje nišana/nadgrobnih spomenika šehida/poginulih branilaca i umrlih	5.000
Sredstva za rad braniteljskih udruženja	0

Ortopedska i druga pomagala	250.000
Sufinansiranje učešća u takmičenjima invalidskog sporta	0
Sufinansiranje organizovanja takmičenja i sportskih manifestacija	0
Pomoć u rješavanju stambenog pitanja	1.000.000
Pomoć u slučaju smrti branilaca i članova njihovih porodica	400.000
Pomoć braniteljima i članovima njihovih porodica u teškoj socijalno-ekonomskoj situaciji	150.000
Pomoć za liječenje i nabavku lijekova	1.550.000
Jednokratno novčano primanje osobama sa naročitim zaslugama	1.000
Sredstva za izgradnju spomen obilježja vezanih za odbrambeno-oslobodilački rat	0
Pomoć za nabavku udžbenika za redovno obrazovanje	200.000
Transfer za podsticaj zapošljavanje branitelja i članova njihovih porodica	1.000.000
Zdravstvena zaštita neosiguranih lica	120.000
Egzistencijalna naknada	9.283.000
Sufinansiranje stručnih i/ili završnih ispita	2.000
Ocjena tjelesnog oštećenja	0
Profesionalna rehabilitacija	0
Ukupno	16.671.000

KAPITALNI TRANSFERI I IZDACI

Za kapitalne transfere i kapitalne izdatke planira se izdvajanje 5,03% od ukupno planiranih rashoda za 2023. godinu.

Najveći kapitalni transferi odnose se na kapitalni transfer drugim nivoima vlasti iz sredstava posebnih vodnih naknada 9.500.000 KM, kapitalni transfer za zdravstvo 4.301.700 KM i kapitalni transfer za poslovne zone -subvencije općinama 2.500.000 KM.

Ujedno, Budžetom za 2023. godinu je predviđena nabavka zemljišta, štupa i višegodišnjih zasada u iznosu od 535.000 KM i nabavka opreme u iznosu od 6.466.264 KM.

Za rekonstrukciju i investiciono održavanje je predviđen iznos od 15.441.314 KM (za puteve, obrazovne institucije, policiju i pravosuđe, itd.).

Budžet za građane Zeničko-dobojskog kantona je pojednostavljeni i ilustrirani prikaz određenih dijelova dokumenta „Budžet Zeničko-dobojskog kantona“.

Ovaj jednostavni i ilustrirani izvještaj omogućit će vam da razumijete kako vlada Zeničko-dobojskog kantona za vas i u vaše ime troši novac.

Pogledajte i pitajte nas!

MINISTARSTVO FINANSIJA

Ivana Šimić, pomoćnik ministra
Broj telefona: 032 460 765; 460 771
ivana.simic@zdk.ba

ODSJEK ZA PLANIRANJE I IZVRŠENJE BUDŽETA

Nermin Piljug, šef Odsjeka za planiranje i izvršenje budžeta
Broj telefona: 032 460 770; 460 771
min.finansije@zdk.ba